

LIGJ 8893 datë 25.07.2002

"PËR DISA SHTESA DHE NDRYSHIME NË LIGJIN NR.8269 DATË 23.12.1997 "PËR BANKËN E SHQIPËRISË, NDRYSHUAR ME LIGJIN NR.8384 DATË 29.07.1998

Në mbështetje të neneve 78, 81 pika 1, 83 pika 1 dhe 161 të Kushtetutës , me propozimin e Këshillit të Ministrave,

KUVENDI I REPUBLIKËS SË SHQIPËRISË VENDOSI:

Në ligjin nr.8269, datë 23.12.1997 "Për Bankën e Shqipërisë" ndryshuar me ligjin nr.8384 datë 29.07.1998, bëhen këto shtesa dhe ndryshime:

Neni 1

Në ligj emërtimi "Kuvendi Popullor" zëvendësohet me "Kuvendi".

Neni 2

Në pjesën hyrëse të ligjit bëhet ndryshimi si më poshtë:

"Në mbështetje të neneve 78, 81 pika 1, 83 pika 1 dhe 161 të Kushtetutës, me propozim të Këshillit të Ministrave".

Neni 3

Në nenin 3 pika 4 shkronja "a", pas fjalës "të zbatojë" dhe përpara fjalës "politikën", shtohet shprehja: "në mënyrë të pavarur".

Neni 4

Në nenin 3 pika 4 pas shkronjës "dh" shtohet shkronja "e" me këtë përmbajtje:

"e) Të përdorë, në mënyrë të pavarur, instrumentet e politikës monetare për realizimin e objektivit kryesor dhe të objektivave të politikës monetare".

Neni 5

Në nenin 44 pika 2 pas shkronjës "c" fjalia "Presidenti i Republikës emëron Guvernatorin e Bankës së Shqipërisë, mbështetur në propozimin e Kryetarit të Këshillit të Ministrave" hiqet dhe zëvendësohet me "Guvernatori zgjidhet nga Kuvendi, me propozimin e Presidentit të Republikës".

Neni 6

Në nenin 46 shtohet paragrafi me këtë përmbajtje :

"Funksioni i anëtarit të Këshillit Mbikqyrës është i papajtuashëm me atë të punonjësit, administratorit dhe aksionerit, me pjesëmarrje ndikuese në bankën e nivelit të dytë ose në subjekte që liçensohen nga Banka e Shqipërisë".

Neni 7

Në nenin 63 pika 1 ndryshohet si më poshtë:

"Banka e Shqipërisë mban dhe administron rezervat valutore të Republikës së Shqipërisë, të cilat konsistojnë në të gjitha ose në një pjesë të mjeteve (aktive) të mëposhtme:".

Neni 8

Ky ligj hyn në fuqi 15 ditë pas botimit në Fletoren Zyrtare.

KRYETARI

Servet Pellumbi

